

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**ZAKON  
O IZMJENAMA I DOPUNAMA ZAKONA O IZVRŠAVANJU BUDŽETA  
FEDERACIJE BOSNE I HERCEGOVINE ZA 2017. GODINU**

**Sarajevo, novembar 2017. godine**

## **PRIJEDLOG ZA DONOŠENJE PO HITNOM POSTUPKU**

Vlada Federacije Bosne i Hercegovine je na 120. redovnoj sjednici, održanoj dana 21.9.2017. godine, donijela Zaključak V. broj:1239/2017, kojim se između ostalog usvaja Informacija o Inicijativi za finansiranje infrastrukturnih projekata iz akumulirane dobiti javnih preduzeća. U skladu sa navedenim, zadužena su Javno preduzeće Autoceste Federacije BiH d.o.o. Mostar i Javno preduzeće Ceste Federacije BiH d.o.o. Sarajevo da u što kraćem roku pripreme rebalans Planova poslovanja za 2017. godinu. Vlada Federacije Bosne i Hercegovine je zadužila Federalno ministarstvo finansija da u što kraćem roku pripremi Rebalans Budžeta Federacije Bosne i Hercegovine, a nakon što odluke o raspodjeli akumulirane dobiti budu usvojene na nadležnim tijelima javnih preduzeća.

Takođe, između Vlade Federacije Bosne i Hercegovine i predstavnika boračkih udruženja saveza, organizacija i udruženja, potpisan je Sporazum o dostignutom nivou sredstava u Budžetu Federacije Bosne i Hercegovine na poziciji Federalnog ministarstva za pitanja boraca i invalida odbrambeno-oslobodilačkog rata, namijenjenih za rješavanje prioriternih zahtjeva boračkih kategorija, te je donesena i Odluka Vlade Federacije Bosne i Hercegovine, V. broj: 831/2017, od 15.6.2017. godine, kojom se daje saglasnost i obavezuje primjena ovog sporazuma od 1.9.2017. godine.

Uvažavajući prethodno navedeno, a u skladu sa Zakonom o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15 i 104/16) i revidiranim projekcijama prihoda Federalno ministarstvo finansija pripremi je Prijedlog odluke o izmjenama i dopunama Budžeta Federacije Bosne i Hercegovine za 2017. godinu.

Shodno navedenom predlažemo da, u skladu sa čl. 191.,192., 204. i 205. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08) i čl. 186., 187., 201. i 202. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), po hitnom postupku razmatrate prijedloge i usvojite, odnosno donesete Odluku o izmjenama i dopunama Budžeta Federacije Bosne i Hercegovine za 2017. godinu i Zakon o izmjenama i dopunama Zakona o izvršavanju Budžeta Federacije Bosne i Hercegovine za 2017. godinu.

**ZAKON  
O IZMJENAMA I DOPUNAMA ZAKONA O IZVRŠAVANJU BUDŽETA  
FEDERACIJE BOSNE I HERCEGOVINE ZA 2017. GODINU**

**Član 1.**

U Zakonu o izvršavanju Budžeta Federacije Bosne i Hercegovine za 2017. godinu („Službene novine Federacije BiH“, broj 104/16), u članu 18. stav (1) u četvrtom redu riječ „i“ zamjenjuje se zarezom, a iza broja „111/12“ dodaju se riječi: „ i 20/17“.

**Član 2.**

Član 23. briše se.

**Član 3.**

Iza člana 26. dodaje se novi član 26a. koji glasi:

**„Član 26a.**

“Sredstva utvrđena na razdjelu 18. Budžeta, pozicija „Kapitalni transferi javnim preduzećima - Transfer za izgradnju autocesta i brzih cesta“, prenijet će se na poseban namjenski projektni račun Federalnog ministarstva prometa i komunikacija i koristit će se po programima koje donosi Vlada, kada se za to steknu potrebni finansijski i tehnički uslovi.“

**Član 4.**

U članu 29. riječi: “Tekući transferi drugim nivoima vlasti i fondovima – Za rješavanje problema Roma u oblasti stambenog zbrinjavanja“ brišu se.

**Član 5.**

U članu 30. iza riječi „poljoprivredu“ riječ „i“ zamjenjuje se zarezom, a iza riječi „veterinarstvo“ briše se zarez i dodaju riječi: „i „Subvencije privatnim preduzećima i poduzetnicima - Izmirenje obaveza iz ranijeg perioda“,“.

**Član 6.**

U članu 31. stav (1) iza riječi „zadruga“ i zareza dodaju se riječi: „Tekući transferi pojedincima - Transfer za rješavanje socijalno-statusnih pitanja branilaca i članova njihovih porodica“,“.

**Član 7.**

U članu 32. riječi: “Ostala domaća pozajmljivanja – Kreditni-garantni fond“ brišu se.

**Član 8.**

Ovaj zakon stupa na snagu narednog dana od dana objavljivanja u „Službenim novinama Federacije BiH“.

**OBRAZLOŽENJE**  
**ZAKONA O IZMJENAMA I DOPUNAMA ZAKONA O IZVRŠAVANJU BUDŽETA**  
**FEDERACIJE BOSNE I HERCEGOVINE ZA 2017. GODINU**

**I. USTAVNI OSNOV**

Ustavni osnov za donošenje ovog Zakona sadržan je u članu III. 1. tač.c) i g), koji je izmijenjen amandmanima VIII, LXXXIX i CVI i članu IV A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije kao i finansiranje djelatnosti federalnih vlasti, ustanova i institucija koje federalne vlasti osnivaju, a Parlament Federacije je, uz ostale nadležnosti predviđene Ustavom, odgovoran za donošenje zakona o obavljanju dužnosti federalne vlasti.

**II. RAZLOZI ZA DONOŠENJE**

Razlozi za donošenje Zakona očituju se u izradi Izmjena i dopuna Budžeta Federacije Bosne i Hercegovine za 2017. godinu.

**III. OBRAZLOŽENJE PREDLOŽENIH IZMJENA**

**Članom 1.** Zakona dodao se broj Službenih novina, broj: 20/17, a odnosi se na Izmjene Zakona o plaćama i naknadama u organima vlasti Federacije BiH.

**Članom 2.** Zakona član 23. se briše, obzirom da na razdjelu Federalnog ministarstva pravde ovaj transfer se briše.

**Članom 3.** Zakona dodaju se nove riječi obzirom da se na razdjelu Federalnog ministarstva prometa i komunikacija dodaje novi Transfer.

**Članom 4.** Zakona riječi: „Tekući transferi drugim nivoima vlasti i fondovima – za rješavanje problema Roma u oblasti stambenog zbrinjavanja“ obzirom da na razdjelu Federalnog ministarstva prostornog uređenja ovaj transfer se briše.

**Članom 5.** Zakona dodaju se nove riječi, obzirom da se na razdjelu Federalnog ministarstva poljoprivrede vodoprivrede i šumarstva dodaje novi Transfer.

**Članom 6.** Zakona dodaju se nove riječi, obzirom da se na razdjelu Federalnog ministarstva za pitanja boraca i invalida odbrambeno-oslobodilačkog rata dodaje novi Transfer

**Članom 7.** Zakona riječi: „Ostala domaća pozajmljivanja – Kreditni-garantni fond“ obzirom da na razdjelu Federalnog ministarstva obrta ovaj transfer se briše.

**IV. FINANSIJSKA SREDSTVA**

Za realizaciju Zakona nisu potrebna finansijska sredstva.

## **Zakon o izvršavanju Budžeta Federacije Bosne i Hercegovine za 2017. godinu**

### **-Tekst odredbi koje se mijenjaju-**

#### **Član 18.**

(Sredstva za plaće i naknade)

- (1) Sredstva na poziciji "Bruto plaće i naknade" osiguravaju se budžetskim korisnicima na osnovu Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, br. 45/10 i 111/12), Zakona o plaćama i naknadama policijskih službenika Federacije Bosne i Hercegovine („Službene novine Federacije BiH“, broj: 45/10), Zakona o plaćama i drugim naknadama sudija i tužilaca u Federaciji BiH („Službene novine Federacije BiH“ br. 72/05, 22/09 i 55/13) i Odluke o jedinstvenim baznim kriterijima za sistematizaciju radnih mjesta i utvrđivanje platnih razreda u Uredu za reviziju Institucija BiH, Kancelariji za reviziju institucija u Federaciji BiH i Glavnoj službi za reviziju javnog sektora RS ("Službene novine Federacije BiH", broj: 66/06) .
- (2) Osnovica za obračun plaće u visini od 315,00 KM i bod za obračun plaće u iznosu od 1,0 primjenjivat će se za period od 01.01.2017. godine do 31.12.2017. godine.
- (3) Sredstva sa pozicije "Naknade troškova zaposlenih" osiguravaju se budžetskim korisnicima na osnovu Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, br. 45/10 i 111/12) i Zakona o plaćama i naknadama policijskih službenika Federacije Bosne i Hercegovine („Službene novine Federacije BiH“, broj 45/10), Uredbe o naknadama koje pripadaju članovima Vlade Federacije Bosne i Hercegovine i njihovim savjetnicima koje nemaju karakter plaće („Službene novine Federacije BiH“, br. 87/10, 22/11, 45/13 i 9/16), Uredbe o naknadama koje nemaju karakter plaće ("Službene novine Federacije BiH", br. 63/10, 22/11, 66/11 i 51/12) i Zakona o plaćama i drugim naknadama sudija i tužilaca u Federaciji BiH („Službene novine Federacije BiH“, br. 72/05, 22/09 i 55/13).

#### **Član 23.**

(Korištenje sredstava na razdjelu 15.)

Sredstva utvrđena na razdjelu 15. Budžeta, pozicija "Kapitalni transferi neprofitnim organizacijama – Implementacija antikoruptivnih zakona“, koriste se po programu koji donosi Vlada.

#### **Član 26.**

(Korištenje sredstava na razdjelu 18.)

Sredstva utvrđena na razdjelu 18. Budžeta, pozicije „Subvencije javnim preduzećima - Transfer željeznicama FBiH“, „Subvencije javnim preduzećima - Unapređenje avio prometa Federacije BiH“, „Subvencije javnim preduzećima - Unapređenje avio prometa Federacije BiH-JP Aerodrom Mostar“, „Subvencije javnim preduzećima - Unapređenje avio prometa Federacije BiH-JP Aerodrom Tuzla“, „Kapitalni transferi javnim preduzećima - Unapređenje avio prometa Federacije BiH-JP Aerodrom Mostar“, „Kapitalni transferi javnim preduzećima - Unapređenje avio prometa Federacije BiH-JP Aerodrom Tuzla“ i “ Kapitalni transferi javnim preduzećima -

Unapređenje avio prometa Federacije BiH - JP Aerodrom Bihać“ , koriste se po programima koje donosi Vlada.

#### **Član 29.**

(Korištenje sredstava na razdjelu 23.)

Sredstva utvrđena na razdjelu 23. Budžeta, pozicije „Tekući transferi drugim nivoima vlasti i fondovima – Za rješavanje problema Roma u oblasti stambenog zbrinjavanja“, „Tekući transferi drugim razinama vlasti i fondovima - Za projekt utopljavanja zgrada radi uštede energije“, „Tekući transferi drugim razinama vlasti i fondovima – Za sanaciju šteta nastalih uslijed poplava i klizišta“, „Kapitalni transferi drugim nivoima vlasti i fondovima - Učešće Vlade Federacije BiH u sufinansiranju kantonalnih i lokalnih zajednica - zaštita nacionalnih spomenika“ i „Kapitalni transferi drugim nivoima vlasti i fondovima - za izradu prostorno planskih dokumenata“, koriste se po programima koje donosi Vlada.

#### **Član 30.**

(Korištenje sredstava na razdjelu 24.)

Sredstva utvrđena na razdjelu 24. Budžeta, pozicije „Subvencije privatnim preduzećima i poduzetnicima - Poticaj za poljoprivredu“ i „Subvencije privatnim preduzećima i poduzetnicima - „Poticaj za veterinarstvo“, koriste se po programima koji donosi Vlada.

#### **Član 31.**

(Korištenje sredstava na razdjelu 32.)

- (1) Sredstva utvrđena na razdjelu 32. Budžeta, pozicije „Tekući transferi pojedincima - za pomoć u liječenju boraca-branitelja“, „Tekući transferi pojedincima – Transfer za pomoć u zapošljavanju boračkih kategorija putem boračkih zadruga“, „Tekući transferi neprofitnim organizacijama - za podršku fondaciji za stambeno zbrinjavanje RVI i boračku populaciju“, „Tekući transferi neprofitnim organizacijama - udruge proistekle iz posljednjeg odbrambeno oslobodilačkog - domovinskog rata“, „Tekući transferi neprofitnim organizacijama - Transfer za obilježavanje značajnih datuma“, „Tekući transferi neprofitnim organizacijama - Transfer za sufinansiranje izgradnje spomen obilježja, uređenja mezarja i grobalja“, „Tekući transferi neprofitnim organizacijama“ i „Tekući transferi neprofitnim organizacijama - Transfer za sufinansiranje troškova sahrana i dženaza pripadnika braniteljskih populacija“, koriste se po programima koje donosi Vlada.
- (2) Sredstva utvrđena na razdjelu 32. Budžeta, pozicija “Kapitalni transferi pojedincima–automobili za invalide”, koriste se na osnovu Uredbe o obezbjeđenju sredstava za nabavku putničkih automobila ratnim vojnim invalidima 100% prve grupe („Službene novine Federacije BiH”, br. 58/06, 34/07 , 44/11 i 10/14).

#### **Član 32.**

(Korištenje sredstava na razdjelu 50.)

Sredstva utvrđena na razdjelu 50. Budžeta, pozicije „Tekući transferi drugim nivoima vlasti i fondovima - Tekući transferi općinama i gradovima“, „Tekući transferi pojedincima - Isplata stipendija i isplata inovatorima“, „Tekući transferi neprofitnim organizacijama - Udruženjima građana, obrtničke komore FBiH i kantona i obrazovne institucije“, „Subvencije privatnim preduzećima i poduzetnicima“, „Subvencije

privatnim preduzećima i poduzetnicima – Finansiranje prvog zapošljavanja i samozapošljavanja“, „Ostala domaća pozajmljivanja“ i „Ostala domaća pozajmljivanja – Kreditni-garantni fond“, koriste se po programima koje donosi Vlada.